

† Sier Francesco Donado el cavalier, è di Pregadi, qu. sier Alvixe	104. 64
Sier Marcho Gradenigo et dotor, qu. sier Bartholamio	59. 11
Sier Zuan Baxadona el dotor, di sier Andrea	33.138
Sier Hironimo da cha' Taiapiera el dotor, fo auditor novo	30.142
Sier Mafio Lion fo auditor nuovo, qu. sier Lodovico	50.123
Sier Gasparo Malipiero, savio a terra ferma, qu. sier Michiel	46.124
Sier Augustin Donado l'auditor nno, qu. sier Hironimo dotor	33.135
Sier Angelo Lolin, qu. sier Alvise	31.149
Sier Santo Moro el dotor, fo auditor nuovo, qu. sier Marin	71. 98
Sier Francesco Capelo el cavalier, fo di la zonta, qu. sier Cristofolo	33. 76
Sier Marco Antonio Venier el dotor, qu. sier Cristoforo, qu. sier Francesco procurator	71. 98
Sier Gasparo Contarini qu. sier Alvise, qu. sier Federigo	82. 83
Sier Alvise Foscari fo auditor nuovo, qu. sier Nicolò, qu. sier Giacomo qu. Serenissimo	89. 86
Sier Silvestro Memo fo savio ai ordeni, di sier Michiel	50.126
Sier Alvise Mocenigo el cavalier, fo savio a terra ferma	90. 79
Sier Francesco Corner è di Pregadi, di sier Zorzi cavalier procurator	64.117
Sier Marco Gradenigo el dotor, fo auditor vechio, qu. sier Anzolo	91. 65
Sier Andrea Foscolo fo di la zonta, qu. sier Marco	84. 87

Di sier Lunardo Emo, provedador in Brexana, vidi lettere di 29, hore 3 di note. Come li nostri provedadori erano in gran paura per sguizari, et non pensavano di la impresa di Brexa. Quelli di la compagnia del Vitello, refteria, dicono, dover haver da 20 in 30 ducati per uno; saria bon farli retenir li soi cavali. Lui Vitello è col ducha di Milan acordato; la compagnia è partita, e 'l governador ha mandato a tuor le robe avea a Vizenza. Scrive si ha praticata certo di haver una porta di Brexa; ma non semo homeni da far guerra.

Di Salò, vidi lettere, di primo. Come, fin tre zorni, li spagnoli saranno a Brexa, i quali erano mia

I Diarii di M. SANUTO. — Tom. XV.

18 lontan; nostri ge vol dar la bataia. Prima, ozi è stà mandà in campo 150 guastadori; doman vi anderà 300 eleti ghe manda li comuni. Si tien certo se li darà la bataglia. Quelli dentro crepa da fame, e cussì li francesi sono in Peschiera. Le nostre bareche è soto Peschiera aziò non li vadi uno oxelo. Il vechio di Gardon fin zorni 4 si apresenterà a la Signoria.

1512. Die secundo Octobris in Rogatis. 90

Non se die lassar alcuna provision, mediante la qual se possi trovar danari *cum* mancho incomodo et gravèza de li zentilhomeni et cittadini nostri se possi; et però:

L'anderà parte: che a tuti li soliti pagar tanse sia posto uno quarto de tansa ad restituir, da esser pagato a l' officio di governadori de le intrade in termine de zorni 15 in danari contadi ad essi governadori nel officio suo, *cum* don de 5 per cento a quelli che 'l pagerano in dicto termine; in questo modo *etiam* per ogni cento ducati i sborserano siano facti creditor 105, et cussì *successive* per rata a restitution. Veramente, far se dovea de li danari del datio del vin de li mesi de Avosto, et de Septembrio 1513, et non essendo questi do mesi sufficienti, restino obligati li altri mesi subsequenti che non fuseno obligati, fin ad integra satisfaction de tutto el credito. Et siano obligati li cassieri de l' officio di datio del vin, che saranno a quel tempo, portare a l' officio di governadori tuti li danari de quelli mesi sotto la pena di furanti, essendo obligato el scrivano de li camerlengi andar a l' officio di governadori a tuor in nota le partide et conzarle, acciò tuto proceda *cum* l' ordine debito; qual danari in altro non se possano convertir che in la satisfaction predicta, sotto pena alli contrafacenti de pagar del suo. E sotto tute le altre pene contenute in la parte di contrabandi.

La restitution veramente se faci per l' ordine de i zorni che cadauno haverà exbursato el danaro, come è honesto.

A di 3, domenega, la matina per tempo fo let- 91⁴
tere di questo tenor, dirò di soto. Prima vene in Colegio domino Vanzelista Zurlo con suo fiol . . .
., qual ha la fia de sier Hironimo Mocenigo per moglie, dicendo alcune parole, et è bon marche-
scho. Fo carezato, etc.

Di sier Marin Zorzi el dotor, orator nostro,

(1) La carta 90^a è bianca.